

稱謂之儀、非無故實、宜猶上尊號爲太上天皇、皇太后曰太皇太后、皇后爲皇太后、戊申、太上天皇上書曰、元氣肇開、樹之以君、有命不恒、所輔惟德、天心人事、選賢與能、辱以菲薄、憂勞庶政、十有餘載、馭朽兢懷、履水悚慄、遂避大寶、得果宿心、卽懷物表、欲狎風雲、實有以也、而隨禮法、蒙加尊號、非唯一身、后亦如此、雖承邦儀、非復情願、不敢拒命、諒爲愜心、夫秦代以往、故實不聞、漢年而還、稱謂初著、今違詔旨、欲從古、朴冀照愚心、使依所請、己酉、臣諱和言、伏奉詔旨、不許奉復尊號、心魂蕩遷、罔知攸措、伏以太古之時、人民初載、君臣之理雖著、尊卑之序未明、上如標枝、下如野鹿、鴻荒朴略、難得而知也、天皇地皇以來名號始顯、伏犧神農之後、稱謂旣彰、然則世有淳醜、時有今古、若推鴻荒之風於名教之代、此莊老之談、所以見棄於世也、又禪讓之主莫盛於堯舜、未聞堯舜除却帝號、還同庶人、豈有朝爲南面之主、而夕爲北面之臣哉、誠知教訓正俗、非禮不備、君臣上下、非禮不定、陛下當璧所鍾、早承先緒、君臨天下、已踰一紀、民知帝力、俗染聖風、皇太后殿下正位宮壺、同體至尊、而並除尊號、不近物情、伏願屈謙光之固執、允歷代之通典、凡在天下、良爲幸甚、忽省詔旨、伏承周厚、豈伊菲薄、堪彼尊號、欲逐愚意、還恐迂旨、固辭之事於此而罷、但服御物及諸司應直者、悉從奉返、然則國用之支旣足、獨靜之趣稍得、冀廻聖慮、依請施行、

○按ズルニ、忽省詔旨以下ハ、嵯峨天皇ノ御書ナルベシ、

〔日本紀略淳和〕弘仁十四年九月癸亥、太上天皇嵯峨幸嵯峨莊、先是中納言藤原朝臣三守奏、可行幸狀、皇帝卽勅有司、令設御輿及仗衛、太上天皇辭而不受、皇帝再三苦請、太上天皇固辭、遂騎御馬、無前驅并兵仗、

〔續日本後紀仁明〕天長十年三月原本作十二月據一本改己丑、詔曰、朕不免叡託、馭朽乘奔、瞻公卿而兢懷、顧兆庶而軫念、思弘國憲、无虧成規、後太上天皇淳和憲章千古、含育萬邦、仁化未澆、機事遄脫、今檢詔旨云、天下多尊百姓所苦、避位之號、勿隨舊典、夫太上尊號非唯一時、秦日漢年稱謂尙矣、朕以禮之爲用、所